

BICIKLISTIČKI SAVEZ BiH

PRAVILNIK O LICENCIRANJU U BISBiH

1. OPŠTE ODREDBE

Član 1.

Ovim pravilnikom određuje se izdavanje licenci osobama, sa ciljem natjecanja i obavljanja aktivnosti koje su u nadležnosti ovog Saveza. Pravilnik se donosi u svrhu normiranja licenciranja domaćih i stranih državljanja za klubove udružene u BSBiH.

Član 2.

Biciklistička licenca je sportska dozvola koju nacionalni biciklistički savez izdaje biciklističkim takmičarima, rekreativcima i funkcijonerima. Licenca dokazuje da se njen vlasnik obavezuje poštivati Statut i Pravilnike kluba kojeg je član, BSBiH, UEC, UCI i u UCI učlanjenih saveza.

Član 3.

Licenca je vlasništvo licencirane osobe. Pojedina osoba smije pri BSBiH imati samo jednu takmičarsku licencu i jednu funkcionersku licencu ako je član upravnih organa kluba (ako je član izvršnih organa BSBiH može mu biti izdato više licenci). Izgled licence je u skladu sa UCI-jevim pravilima (sadržaj, boja, lični podatci, veličina).

Član 4.

Pojedinac može biti član više klubova, ali Zahtjev za izdavanje licence može podnijeti samo jedan klub.

Član 5.

Klub koji nije član BSBiH, a podnio je zahtjev za prijem u Savez, može podnijeti Zahtjev za izdavanje licenci za svoje natjecatelje (takmičare). Ukoliko klub ne bude primljen u Savez licence će biti poništene kao i zvanični rezultati natjecatelja (takmičara) na Državnim prvenstvima i trkama za Premijer ligu BiH.

2. ZAHTJEVI ZA LICENCU

Član 6.

Zahtjev za izdavanje licence predaju klubovi, od 1. do 31. januara tekuće godine, Savezu pismenim putem. Ukoliko se Zahtjev podnosi poslije navedenog termina, plaća se nadoknada od 200 KM na račun Saveza, a licence će biti izdate poslije uplate navedenog iznosa (ovaj iznos ne plaćaju osobe koje se prvi puta registruju kao ni osobe koje su imale spor sa klubom ili Savezom ukoliko spor bude riješen u njihovu korist). Zahtjev se sastoji od:

- Kopije Rješenja o upisu u registar pravnih lica kod nadležnog organa,
- kopije ID broja,
- ispunjenog i ovjerenog UCI –BISBiH obrasca za tekuću sezonu,
- 2 fotografije u boji,
- potvrde o uplaćenoj premiji osiguranja (kolektivna ili pojedinačna),
- uvjerenje o zdravstvenoj sposobnosti natjecatelja (takmičara) izdato od nadležne medicinske ustanove (zavod za sportsku medicinu),
- potvrde o uplaćenoj kotizaciji kluba,
- potvrde o uplati 10 KM za svaku licencu izuzev kadeta i mlađih kategorija
- kopije ugovora (ukoliko ugovor postoji).

Prvom zahtjevu za licenciranje natjecatelja (takmičara) moraju biti priloženi slijedeći dokumenti: rodni list i uvjerenje o državljanstvu. Ukoliko je natjecatelj (takmičar) strani državljanin dostavlja se fotokopija pasoša.

Član 7.

Navođenje neistinitih podataka u Zahtjevu za izdavanje licence povlači disciplinsku odgovornost.

3. KATEGORIJE ZA LICENCIRANJE OSOBA

Član 8.

Kao zvanične osobe na trkama mogu da učestvuju samo osobe koje posjeduju važeću licencu za tekucu natjecateljsku (takmičarsku) godinu tj. natjecatelji (takmičari) i njihova pratnja, organizatori, delegati i sudija.

Član 9.

Zvanične natjecateljske (takmičarske) kategorije su:

- Elite muskarci/Elite žene,
- U23 (od 18-23 godine),
- juniori/juniorke (od 17 i 18 godina),
- kadeti/kadetkinje (od 15 i 16 godina),
- mlađi kadeti (od 13 i 14 godina),
- početnici (ispod 13 godina),
- veterani (masters) (od 35 do 50 godina),
- veterani (masters) (preko 50 godina),
- amateri (cycling for all)

Zvanične Upravne kategorije su:

- Predsjednik Kluba ili Saveza,
- Direktor Kluba ili Saveza,
- Sekretar Kluba ili Saveza,
- Sportski direktor Kluba ili Saveza,
- član UO, IO, Predsjedništva kluba (zavisno od organizacije Kluba) ili Saveza.

Zvanične Sudijske kategorije su:

- UCI komesar,
- Nacionalni komesar,
- Komesar.

Član 10.

U skladu sa UCI-jevim pravilima i pravilima BISBiH , nosilac takmičarske licence može da učestvuje samo u jednoj kategorije više od one za koju je registrovan.

Član 11.

Takmičarima koji na licenci imaju upisanu kategoriju veteran (masters) dozvoljeno je takmičenje sa kategorijom Elite.

4. IZDAVANJE LICENCE

Član 12.

Potpuni Zahtjevi za izdavanje licence su oni na kojima je potpuno ispunjen obrazac i priloženi svi podatci, dokumenti (uvjerenje o državljanstvu i rodni list-ukoliko se Zahtjev za izdavanje licence podnosi prvi put), potvrde uplate kotizacije Kluba, Uvjerenje o zdravstvenoj sposobnosti sportista i premije osiguranja u skladu sa ovim Pravilnikom. Ukoliko Zahtjevu nedostaje bilo koji od navedenih podataka, isti će se smatrati nepotpunim i neće biti uzet u razmatranje.

Član 13.

Prelazni rok je od 1. do 31. januara. Tokom prelaznog roka član može zatražiti licenciranje za drugi klub ako u vremenu od 1. do 31. januara obavijesti Savez i prijašnji klub o svom zahtjevu za prelazak u novi klub i ako prema prijašnjem klubu nema neispunjene obaveze prema ugovoru ili

zaduženju opreme, a o čemu arbitra Upravni odbor BSBiH-a. Ukoliko je potpisana samo licenca tj. nema ugovora, vozač se od 31.01. smatra slobodnim vozačem i može se registrovati za drugi klub bez traženja ispisnice od prijašnjeg kluba (pod uslovom da je razdužio svu opremu prijašnjem klubu).

Po završetku prelaznog roka klub može predati jedinstveni zahtjev za izdavanje licence. Zahtjev za izdavanje licenci mora biti dostavljen na validnom memorandumu kluba, ovjeren pečatom kluba i potpisom ovlaštene osobe u klubu (predsjednik kluba, sekretar kluba ili sportski direktor).

Član 14.

Član koji do 31. januara nije zatražio licencu za novi klub, a nakon 31. januara obavijesti Savez i prijašnji klub o svom Zahtjevu za licenciranje za novi klub, te ako ima blagovremenu saglasnost matičnog kluba, da prema prijašnjem klubu nema neispunjene obaveze ili zaduženju opreme, može zatražiti izdavanje licence za novi klub uz plaćanje dodatne takse u iznosu od 50 KM na račun Saveza.

Član 15.

Upravni odbor BISBiH arbitra u slučaju spora između takmičara i Kluba.

Član 16.

Savez izdaje licencu u roku od 15 dana, od dana pristizanja Zahtjeva za izdavanje licenci. Licence preuzimaju upravni organi Kluba u prostorijama Saveza.

5. PROMJENA LICENCE

Član 17.

Osim prijelaznog roka dozvoljena je i jedna promjena licence u sezoni.

Član 18.

Osoba koja želi promijeniti licencu (registrovati se za drugi Klub) mora Savezu i Klubu za koji je licencirana predati Zahtjev za promjenu licence, uz nadoknadu od 50 KM koju uplaćuje na račun Saveza u roku od 10 dana.

Plaćanje nadoknade može izvršiti i Klub u koji osoba prelazi.

Član 19.

Ako se Klub za kojeg je podnositelj licenciran slaže sa Zahtjevom za promjenu licence dužan je Savezu predati Zahtjev za poništenje dosadašnje licence. Po poništenju licence novi Klub može predati Zahtjev za izdavanje nove licence.

Član 20.

Ako se Klub za kojeg je podnositelj licenciran ne slaže sa Zahtjevom za promjenu licence, tj. ne izda Zahtjev za poništenje licence u roku od 10 dana od primanja Zahtjeva za promjenu licence, Klub, licencirana osoba i Savez imaju sljedeća prava i obaveze:

- osoba može sudjelovati na utrkama i u ostalim aktivnostima za dosadašnji klub,
- ako između licencirane osobe i Kluba nije potpisani Ugovor te ako osoba nema evidentirana materijalna zaduženja za Klub koji je prethodno bila licencirana, nakon roka od 1 mjeseca, licencirana osoba može Savezu predati Zahtjev za izdavanje nove licence. Poslije isteka spomenutog roka, a po Zahtjevu podnositelja, Savez je dužan izdati novu licencu,
- ako je između licencirane osobe i Kluba potpisani Ugovor čija je kopija pohranjena u arhivu Saveza, Upravni odbor BSBiH temeljem Ugovora i dokaza o njegovom izvršenju odlučuje hoće li izdati novu licencu,
- ako podnositelj Zahtjeva nije razdužio svu opremu u Klubu za koji je licenciran, ili ako matičnom klubu nije isplaćeno prvično obeštećenje neće mu se izdati dozvola za prelazak

u drugi Klub dok ne vrati opremu ili isplati novčanu protuvrijednost za navedenu opremu, i isplati obeštećenje.

Izdavanjem nove licence stara licenca se poništava. Svaki pokušaj ograničavanja prava i obaveza Kluba ili osobe povlači disciplinsku odgovornost.

Član 21.

Jedan mjesec **po izdavanju** nove licence, licencirana osoba nema prava učešća na Državnim prvenstvima i takmičenju za Premijer ligu BiH.

6. PONIŠTENJE LICENCE

Član 22.

Ako Klub tokom sezone donese odluku da određenoj osobi uskrati licenciranje pod klupskim imenom, dužan je Savezu predati Zahtjev za poništavanje licence, a osobu mora službeno obavijestiti o Zahtjevu. Ako se licencirana osoba ne slaže sa Zahtjevom o poništenju licence, tj. ne preda Savezu licencu u roku od 7 dana, Klub i licencirana osoba imaju slijedeća prava i obaveze:

- licencirana osoba ima pravo učestvovati na trkama i u ostalim aktivnostima za dosadašnji klub u razdoblju od mjesec dana od trenutka primitka obavijesti o predaji Zahtjeva za poništenje licence,
- licencirana osoba ima pravo da, po primitku Zahtjeva za poništenje licence, preda Savezu Zahtjev za izdavanje nove licence,
- po izdavanju nove licence, licencirana osoba nema prava učešća na Državnim prvenstvima 30 dana od **dana izdavanja licence**, dok će u takmičenju za Premijer ligu BiH imati pravo nastupa, ali neće moći osvajati bodove, kako individualne tako ni ekipne do završetka takmičarske sezone.

7. UGOVOR IZMEĐU ČLANOVA I KLUBA

Član 23.

Klubovi koji sa svojim članovima sklope Ugovor dužni su kopiju istog dostaviti Savezu. Ukoliko Klub ne dostavi kopiju ugovora Savezu prilikom podnošenja Zahtjeva za izdavanje licenci, ugovor neće biti prihvaćen u slučaju spora između takmičara i Kluba.

Klubovi takve Ugovore moraju načiniti u skladu sa postojećim Zakonom. Ugovor mora sadržavati ugovorne strane i datum potpisivanja i isteka ugovora. Ugovor mora biti načinjen minimalno u 2 primjerka (po jedan za svakog).

Član 24.

U slučaju spora, između ugovornih strana, ovlašten je Upravni odbor BISBiH. Ako se spor ne riješi na Upravnom odboru Saveza, spor se riješava na ovlaštenom Sudu.

8. ZAVRŠNE ODREDBE

Član 25.

Pravo na tumačenje ovog Pravilnika ima Tehnička komisija koju imenuje Upravni odbor, a u slučaju žalbe konačnu odluku daje Upravni odbor BISBiH.

23. decembra 2010. godine

**Predsjednik BISBiH
Zlatko Berbić**